

# Ogeysiiska Khidmadaha Dugsiga ee Qoysaska Ardayda Fasallada 7-12

## Sharciga Utah wuxuu u oggolaanayaa dugsiyada inay qaadaan khidmadaha fasallada toddobaad ilaa laba iyo tobnaad.

Ardayga waxaa laga yaabaa in laga qaado khidmadaha ka qaybgalka fasallada dugsiga, hawlaha iyo barnaamijyada. Ardayga lagama codsan karo ama loogama baahan karo inuu bixiyo wax khidmad ah ilaa codsigaas ama shuruudahaas ay ansixiyaan Guddiga Waxbarashada ee deegaanka oo lagu daro jadwalka khidmadaha dugsiga ama degmada.

Sharciga Utah wuxuu uga baahanyahay dugsiyada qaada khidmadaha inay hubiyaan in ka dhaafitaan khidmad ama qodobo kale oo beddel u ah ka dhaafitaanka khidmadaha ay heli karaan arday kasta oo qoysaskiisu ayna awoodin inay bixiyaan khidmadda.

## Qeexidda Khidmadda

Khidmad waxaa lagu qeexaa wax qiimo lacageed leh oo dugsigu codsado ama uga baahdo ardayga si uu uga qaybqaato hawl, fasal, ama barnaamij uu bixiyo, uu kafaalo qaado, ama uu taageero dugsiga, dugsiga jaartar ah, ama degmo. Codsigan ama shuruudahan sidoo kale waa la maldihi karaa. Taas macnaheedu waa haddii wax aan loogu baahnayn ka qaybgalka, laakiin weli la filayo in ardaygu haysto shaygaas, waxay noqonaysaa khidmad dugsiga. Hoos waxaa ku qoran tusaalooyin qaar oo ah khidmadaha:

- |  |  |  |
|--|--|--|
| <ul style="list-style-type: none"><li>Ganaaxyada maqnaanshaha</li></ul>  | <ul style="list-style-type: none"><li>Kharashyada safarrada fasalka ama kooxda (oo ay ku jiraan qolka, qaabilaadda, iyo cuntada)</li></ul> | <ul style="list-style-type: none"><li>Khidmadaha barnaamijka dugsiga kadib</li></ul> |
| <ul style="list-style-type: none"><li>Khidmadda ka qaybgalka</li></ul>   | <ul style="list-style-type: none"><li>Khidmadaha gelitaanka riwaayadaha dugsiga ama ciyaaraha</li></ul>                                    | <ul style="list-style-type: none"><li>Kiraysiga qalabka</li></ul>                    |
| <ul style="list-style-type: none"><li>Barnaamijyada sixitaanka</li></ul> | <ul style="list-style-type: none"><li>Kharashka rugta caafimaadka xagaaga ee kubadda cagta</li></ul>                                       |  |

Kharashka faraantiga fasalka, buugaag-sanadeedka, sawirrada dugsiga, jaakadaha isboortiga, iyo waxyaabaha la midka ah maaha khidmado mana la dhaafi doono. Sidoo kale, haddii arday uu lumiyo ama uu waxyeelleeyo hantida iskuulka, kharashka beddelka ama hagaajinta ma aha khidmado mana la dhaafi doono.

Ardayda waxaa laga yaabaa in looga baahdo inay bixiyaan khidmadaha koorsooyinka isdiiwaangelinta isku marka ah ama imtixaanada meelaynta sare. Qaybta khidmadaha la xiriirta gaar ahaan darajooyinka ama dhibcaha kuliayadda ama dugsiga sare kadib lama dhaafi karo. Laakiin, Guddiga Kulliyadda waxay ka siiyaan qiimo dhimis kharashyadan kuwa u qalma.

## Ka dhaafitaannada Khidmadda

Ardaygu wuxuu xaq u leeyahay ka-dhaafitaan haddii:

- qoyskoodu uu qaato lacagta TANF ama SNAP (food stamp (kaalmada cuntada) ama Barnaamijka Shaqada Qoyska ee Gobolka, Barnaamijka Kaalmada Nafaqada Dheeraadka ah);
- ardaygu uu qaato SSI (Dakhliga Dammaanadda Dheeraadka ah);
- ardayga lagu qoray McKinney-Vento;
- ardaygu uu ku jiro daryeelka korinta;
- ardaygu uu ku jiro gacanta dawladda; ama
- ardaygu uu xaq u leeyahay iyadoo lagu saleynayo dakhliga qoyska/reerka (heerarku waxay la mid yihiin kuwa u-qalmitaanka qadada bilaashka ah).

Ka dhaafitaanka khidmadda waa ka-dhaafitaan shuruudda ah in la bixiyo khidmadda. Haddii ardaygu u qalmo ka dhaafitaan khidmad ah, **khidmadaha waa in la dhaafaa, iyadoo ku xiran xadka lacagta dugsiga ee wadarta guud ee ka dhaafitaanka khidmadaha iyo xadka ka dhaafitaanka safarka.**

Ka dhaafitaanka khidmadaha safarrada laba habeen ama ka badan ee dugsigu maalgeliyo waxay ku kooban yihiin laba safar sannadkiiba ardaygii. Ka dhaafitaan safar labaad ayaa laga codsan karaa iyadoo lala kulmayo maamulaha ama qofka loo xilsaaray si loo sameeyo qorshe hawleed uu dugsigu ansixiyay.

*\* Ardaygu wuxuu sidoo kale xaq u yeelan karaa in laga dhaafo khidmadaha haddii uusan buuxin mid ka mid ah heerarkan laakiin uusan weli awoodin inuu bixiyo khidmad. Fadlan eeg siyaasadda dugsiga ama degmo-dugsiiyeedka deegaanka si aad u hesho macluumaad dheeraad ah.*

### Ka dhaafitaannada Khidmadaha sii socota

Haddii ardaygu rabo inuu codsado ka dhaafid khidmad ah, waxaa laga codsan doonaa inay keenaan dukumentiyada muujinaya u-qalmitaanka ka dhaafitaanka khidmadda oo qayb ka ah habka codsiga.

Si uu u codsado ka dhaafitaanka khidmad ah, ardaygu wuxuu soo gudbin karaa "Codsiga Ka Dhaafitaanka Khidmadda Dugsiga". Nuqul ka mid ah codsiga ayaa lagu daray ogeysiiskan, nuqullo dheeraad ahna waxaa laga heli karaa xafiiska dugsiga, ama bogga internetka ee khidmadaha dugsiga ee gobolka oo ku taxan dhammaadka dukumeentigan.

Marka dukumeentiyada loo gudbiyo dugsiga, shuruudaha khidmadda waa la hakin doonaa ilaa laga gaaro go'aan kama dambays ah oo ku saabsan u-qalmitaanka ardayga ee ka-dhaafitaanka khidmadaha.

Haddii codsiga la diido, dugsigu wuxuu soo diri doonaa "Foomka Go'aanka iyo Racfaanka". Foomku wuxuu sharixi doonaa sababta codsiga loo diiday iyo sida racfaan looga qaadan karo go'aanka.

Xasuuso inaad had iyo jeer haysato nuqul. Haddii racfaanka diidmada ka dhaafitaanka khidmadda la gudbiyo, dhammaan khidmadaha looma baahna in la bixiyo ilaa racfaanka laga gaadho go'aan.

### Deeqaha, Sirta, iyo Fulinta Khidmadaha

Lacagta dugsigu waa kooban tahay, dugsiguna wuxuu u baahan karaa caawimo Khidmadaha dheeraad ka ah. Sidaas darteed, dugsigu wuxuu codsan karaa deeqo canshuur laga jari karo oo ah agabka dugsiga, qalabka, ama lacagta, laakiin dugsigu ma waajibin karo deeqo.

Magaca ardaygu waa qarsoodi mana loo sheegi karo qof kasta oo aan lahayn xuquuq iyo baahi uu ku ogaado macluumaadka, iyadoon loo eegin haddii ardaygu bixiyay khidmado, deeqo, iyo tabarucaad iyo in kale, ama uu codsaday, helay, ama loo diiday ka dhaafitaan. Laakiin, dugsigu isagoo oggolaansho ka helaya deeq-bixiyaha, siin karaa aqoonsi ku habboon qof kasta ama urur kasta oo deeq weyn ama tabarucaad u sameeya dugsiga.

Shaqaalaha dugsiga iyo dugsigu kama celin karaan, kama dhimi karaan, ama uma kordhin karaan darajooyinka ama dhibcaha, umana diidi karaan darajooyinka, jadwalka fasalka, dhibcaha, kaararka warbixinta, qoraallada diiwaangelinta, ama dibloomada si loo dhaqan geliyo bixinta khidmadaha.

### Wixii macluumaad dheeraad ah, la xiriir:

#### Dugsiga deegaanka:

Magaca: \_\_\_\_\_ Taleefanka: \_\_\_\_\_

limayl: \_\_\_\_\_ Websaytka: \_\_\_\_\_

#### Cidda Laga La Xidhiidhayo Khidmadaha Dugsiga Degmada/Jaartarka:

Magaca: \_\_\_\_\_ Taleefanka: \_\_\_\_\_

limayl: \_\_\_\_\_ Websaytka: \_\_\_\_\_